



ज्वजलपा वाःपौ

JWOJALAPA WEEKLY

दैं ७ ल्याः ३९ (पूर्णङ्क १४१) ने. सं. ११३७ बछलागा दशमी आइतवाः २०७४ जेठ ६ गते आइतवार (May- 21, 2017)

मू ८।- पृष्ठ ६

किपू नगरय् नेकपा एमालेया बर्चस्व मेयर उपमेयर सहित न्हय्गू वडाया अध्यक्ष एमालें त्याकल

ज्वजलपा वाःपौ

२०५४ सालया स्थानीय निकायया चुनावय् किपू नगर दुनेया तत्कालिन १९ वडा मध्ये मेयर उपमेयर नापं १० गू वडाया अध्यक्ष त्याका बहुमत हःगु एमाले पार्टी थुगुसी मेयर उपमेयर सहित १० वडा मध्ये ७ गू वडाया अध्यक्ष त्याकेत ताःलाःगु दु ।

वंगु वैशाख ३१ गते देय्या न्हय्गू प्रदेश मध्ये स्वंगू प्रदेशय् जूगु न्हापांगु चरणया स्थानीय तहया निर्वाचनया लिच्वः कथं किपू नगरपालिकाय् थुगुसी नेकपा एमालें बर्चस्व कायम याःगु दु ।

एमालेया मेयर उम्मेदवार जुयादीम्ह रमेश महर्जनं ७ हजार ३ सय ६० मत हया त्याकादीगु खःसा वय्कःया निकतम प्रतिद्वन्द्वि नेपाली कांग्रेसया राजकुमार नकर्मि ६ हजार ६ सय ७० मत हयादीगु

खः । उगु हे कथं एमालेया उपमेयर उम्मेदवार सरस्वती खड्कां ६ हजार ८ सय ३६ मत हया उपमेयर पद त्याकादीगु खःसा वय्कःया निकतम प्रतिद्वन्द्वि नेपाली कांग्रेसया उममेयर उम्मेदवार विमला विष्टं ६ हजार २४ मत हयादीगु खः ।

किपू नगरपालिकाय् एमालेपाखें वडा नं. १ या अध्यक्षय् एमालेया हर्ष महर्जन, वडा नं. २ या रमेश महर्जन, वडा नं. ३ या राजेन्द्र महर्जन, वडा नं. ६ या न्हुच्छे बहादुर महर्जन, वडा नं. ७ या राजकुमार माली, वडा नं. ९ या गंगाराम महर्जन, वडा नं १० या अमन महर्जन वडा अध्यक्षय् त्याकादीगु खः ।

अथे हे नेपाली कांग्रेसपाखें वडा नं. ४ या राजेन्द्र बानीया, वडा नं. ५

या राजेन्द्र महर्जन, वडा नं. ८ या विनोद महर्जन वडा अध्यक्षय् त्याःगु खः ।

थुगुसीया चुनावय् नेकपा माओवादी केन्द्रपाखें छुं नं वडाया अध्यक्षय् त्याके मफुसां वडा नं. १० य् धाःसा स्वम्ह सदस्य त्याकूगु दु । माओवादी केन्द्रपाखें उम्मेदवार जुयादीपिं मध्ये वडा नं. १० य् मिसा सदस्य संगिता उप्रेति महर्जनं ७ सय ६६ मत कया त्याकादीगु खःसा दलित मिसाय् मन्जु परियारं ८ सय ९३ मत हया त्याकादीगु खः । उगु हे कथं माओवादी केन्द्रया खुल्ला निम्हम्ह उम्मेदवार कथं हरिशरण महर्जनं ७ सय ३१ मत हया त्याकादीगु खः । उगु हे कथं वडा नं. ८ य् माओवादी केन्द्रया न्हापांम्ह मिजं उम्मेदवार राजेश महर्जनं ४ सय १ मत हया त्याकादीगु खः ।



वैशाख ३१ गते आइतवाः चान्हय्निसें मत गणना जुया शुक्रवाः लिपांगु लिच्वः कथं मेयरय् नेकपा (एमाले)या रमेश महर्जन व उपमेयरय् नेकपा (एमाले) सरस्वती खड्का त्याःगु घोषणा जुइ धुंकाः मत गणना याःगु लागा त्रिविया स्मृति भवनय् अन सहभागी एमालेया कार्यकर्ता नं किपूमितयुसं वय्कःपिन्त भिंतुना विइगु व खाडां ववखायेका सिन्हः जात्रा याये न्हयःया किपाः ।

कृतज्ञता ज्ञापन

दश वर्षको महान जनयुद्ध र १९ दिने जन आन्दोलनको बलमा प्राप्त गणतन्त्र, संधियता, धर्म निरपेक्षता र समानुपातिक सहभागिता सहितको संविधान सभाबाट निर्मित संविधानलाई संस्थागत गर्ने पहिलो चरण सम्पन्न स्थानीय तहको निर्वाचनमा भाग लिएर हाम्रो पार्टी ने.क.पा. (माओवादी केन्द्र)का उम्मेदवारहरूलाई अमूल्य मत प्रदान गर्नु हुने सम्पूर्ण मतदाताहरूमा हार्दिक कृतज्ञता ज्ञापन गर्दछ । साथै निर्वाचनमा विजयी हुनु भएका सम्पूर्ण उम्मेदवारहरूमा बधाईको साथै सफल कार्यकालको शुभकामना व्यक्त गर्दछ ।

निर्वाचन परिचालन कमिटी
वडा नं. ५
की.न.पा., पाँगा

निर्वाचन परिचालन कमिटी
वडा नं. ८
की.न.पा. पाँगा

कीर्तिपुर नगरपालिका वडा नं.१ का टोलवासीहरूमा हार्दिक कृतज्ञता ज्ञापन

वि.सं.२०७४ सालको स्थानीय निर्वाचनमा म लगायत मेरो प्यानललाई आफ्नो अमूल्य मत दिनुभई अत्यधिक मतले विजयी गराईदिनु भएकोमा कीर्तिपुर नगरपालिका वडा नं. १ का सम्पूर्ण टोलवासीहरूमा हार्दिक कृतज्ञता ज्ञापन गर्दै धन्यवाद दिन चाहन्छु ।

१ नं. वडा अध्यक्ष, हर्ष महर्जन
तथा
सम्पूर्ण प्यानल



ज्वजलपा वा:पौ

सल्लाहकार
श्रीकृष्ण महर्जन
प्रकाशक:

नजरराम महर्जन
सम्पादक

श्रीकृष्ण तण्डुकार
ले-आउट:

ज्वजलपा डेस्कटप
संवाददाता

भरत महर्जन, निरजमान सिंह
थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४१४०१०७७

ई-मेल : jwojalapaweekly@gmail.com

सम्पादकिय

थुगुसीया चुनावय क्रस भोतिंग

स्थानीय तह पुनर्संरचना लिपा जूगु न्हापांगु स्थानीय तहया न्हापांगु चरणया चुनाव वचाल। आ: धमाधम नतिजा वयाच्वंगु दु। थुगुसीया चुनावय मतपत्र त:पागु व मतदाता शिक्षाया अभावया कारणं यक्व हे मतपत्र बदर जूगु खनेदु। चुनाव चिं दुपिं पार्टीतयगु निति उलि समस्या मदुसां स्वतन्त्र उम्मेदवारपिन्त तसकं थाकुगु खनेदु। प्रमुख उपप्रमुख, वडाध्यक्ष, महिला सदस्य, दलित महिला सदस्य, खुला सदस्य निम्ह याना न्हयगु चिंल्य छसिकथं छाप तइपिनि नितिं ला उलि थाकु मजू।

स्थानीय निकाय धयागु थलक्क ला:म्ह व ज्यायाइथें च्वंम्ह मनु ल्ययेगु चुनाव ख: धइगु थ्व चुनावं क्यनाव्यूगु दु। थुगुसीया चुनावय यक्व हे क्रस भोतिंग जूगु खनेदु। छगू हे पार्टीया थी थी उम्मेदवारतय थीथी मत व:गुलिं प्रमाणित याना ब्यूगु दु। वडाध्यक्ष पद छगू पार्टी त्याकूगु थासय नं नगर समिति सदस्य मेगु पार्टी त्या:गु खनेदु। मतपत्र ल्या:खाबल्य छगू हे चिंया न्हयगु छाप दुगु मतपत्र म्होजक हे खनेदत। छगू मतपत्रय न्हयगु छाप तया:त:गु मतपत्र म्हो जूसां क्रस भोतिंग वया त्या:पिं वडाध्यक्षत नं यक्व खनेदु। थ्व धयागु क्रस भोतिंगया कमाल ख:। खुगु चिं छगू पार्टीयात मेगु चिं मेगु पार्टी या स्वतन्त्रपिन्त वंगु यक्व खनेदु।

थुगु चुनावं छु क्यंगु दु धायबले पार्टीया चिं मदयक स्वतन्त्र रुपं चुनाव ल्वायबले यक्व हे लोकंह्वा:सां चुनाव त्याकेत थाकुगु जुयाच्वन। किपू न.पा.या वडा नं.८य स्वतन्त्र रुपं वडाध्यक्ष सहित मेपिं स्वम्ह नगर समिति सदस्यत चुनाव ल्वा:गु ख:। चुनाव चिंया हुनिं इमिसं मत ला यक्व काल तर व मत त्याकेत ता:मलात। यदि छु नं पार्टीया छगू हे चिं कया: इपिं दंगु जूसा इपिं अवश्य त्याइगु खनेदु। प्यम्ह मध्ये नं समान रुपं मत मव:गुलिं थ्वखंया प्रमाणित जूगु ख:। क्रस भोतिंगं जक चुनाव ल्वायेत थाकुगु खनेदत।

गजल शौरभ शाक्यया

गजल-३०



सुनां स्याकल नुग:, गथे धाये छंत
ख्विं प्याकल नुग:, गथे धाये छंत।
म्हिंग हे छं, लँय पना न्यन छुं खँ
वं म्वाकं हे च्याकल, गथे धाये छंत।
हे भगवान !, सुइतं मजुइमा: थथे
मभिन्नं त्याकल, गथे धाये छंत।
मसिउ छु याना, गुतू क्वात जित:वं
ध्याक्वय न्याकल, गथे धाये छंत।
नुगलय प्वचिना, सुइतं थ: याना
वंहे आसं द्याकल, गथे धाये छंत।

नेवा:त छाय ल्यूने लात

-कुमुद श्रेष्ठ

जिं स्वय म्हिगया दिनय नेवात ल्युने लागु कारणत थथे ख:

१. जब गलत तरिका वा भ्रष्टाचार याना ध्यवा कमे यायगु शुरु जुल। सरकारी कर्मचारीनिसें एन.जि.ओ.या कर्मचारी ब्यापारी आदि थ्व हे चंगुलय लात। थ्व ज्या यायत नेवात फिट मजुल, छयकि इमित मां बौपिन्स ईमान्दार जुइमा, ज्ञानी जुइमा धका स्यना तगु ख:। थुपिं गलत ज्या याना ध्यवा कमेयाना ज्वनकि बौ बाज्याया नां बनी धका साप ग्या:। उकिं अक्व नेवात सरकारी सेवा वा ब्यापार न्हयागु जुसां इमान्दार जक जुया ज्या यात। परिणाम स्वरुप असं व मंगलय ब्यापार यापिं नं ५ पर्सेन्ट जक लव: दया

१०० दै लिपा नं ब्यापार पाखे थुपिं थहाँ वय मफत वा “नायचाया नायचा, पोचिया पोचा” जक जुल।

२. संस्कृत भाषा पाखे वइगु वा पञ्चतन्त्र थे च्वंगु डिप्लोमासिया ज्ञान मदया थुपि ततधंगु ब्यबसायया रणनीति नं दयके मसल। थथे जुया ततधंगु ज्या यायगु वा रिष्क कायगु आँत मन्त। अफिसं गनं बाँलागु ज्याय पिने वनेमासां अनथ्यक छाय वनेगु धाईपि जुल।

३. राजनैतिक ख्यलय ल्युने लागुलिं छुं जुया थ: ब्यापार, ब्यबसाय वा गलत ज्याय फसेजुसा बचे याईपि सु नं मन्त। छम्ह निम्ह नेवात च्वय थ्यपि नं मेपिन्स धाइ ल्हाई धका नेवातयत् संरक्षण यायगुली मवन वा वने मफत। थुकिंयाना नेवातयसं रिष्क कायत ग्याना वल वा मकाइगु हे जुया वन।

४. चिचिधंगु ज्या याय मंमन्त। गथेकि च्यापस:, सुइका ज्या, संचायगु ज्या, सिकमि, डकमि आदि। थुंके याना गरिब नेवात भन भन हे गरिब जुया वन। उके, थज्यगु खँत वाचायका ज्या मरुपित चिधंगु सां ज्या यायत प्रेरणा बिइ माल। लय लँय स्टोभ छग व देखि छग ज्वना च्या जक मिपिन्स नं सुथवछिया १०० कप च्या मिया द्रिछि कमे याई। तर नेवात थज्यगु ज्या याय मयया वा मछाला बिना ज्या वा बिना आम्दानी छँ जक दना च्वनिपि जुल। थज्यगु गलत ज्या नेवात पाखे भन भन अप्पया वन।

तर गैर नेवात चाहिं गलत तरिकाया जुसां रणनीति दयके फुपिं, मासा धूस नयफुपिं अले नके नं फुपिं जुल। छुं जुया फसे जुसा इमित उद्वार याना विपिं दया ध्यवा कमे यायगु ज्याय गैर नेवात जक थहाँ वल। आ भीसं वा नेवातयसं थज्योगु चलनय गथे याना सकारात्मक ह्युपा हयगु ? सकसिनं वा चायके माल।

स्वनिग: दुने आ: तकया दुने छु छु नगर पालिकाय् छु पार्टी मेयरय् त्यात ?

ज्वजलपा वा:पौ

स्वनिग:या थीथी नगरपालिका मध्ये शनिवा: तकया दुने व:गु लिच्व: कथं दक्ले अक्व: नेपाली कांग्रेस मेयर पद त्याकूगु दु। अथे हे एमालेला निगूगु थासय ला:गु दुसा स्वंगूगु थासय नेपाल मजदुर किसान पार्टी दु। माओवादी केन्द्र धा:सा थुगुसी स्वनिग:या छुं नं नगरपालिकाय मेयर पद त्याके फइगु संभावना म्हो जुयावंगु दु। यें जिल्ला दुने ला:गु न्हापां घोषणा जूगु दक्षिणकाली नगरपालिका, यल जिल्ला दुने ला:गु न्हापां घोषणा जूगु गोदावरी नगरपालिका, यें जिल्ला दुने न्हापां घोषणा जूगु गोकर्णेश्वर नगरपालिका व नागार्जुन नगरपालिकाय कांग्रेस त्या:गु दुसा यें जिल्ला दुने ला:गु न्हापां घोषणा जूगु शंखरापुर नगरपालिका, यें जिल्ला दुनेया किपू नगरपालिका, यें जिल्ला दुने न्हापां घोषणा जूगु तोखा नगरपालिकाय एमाले त्या:गु दु। अथे हे नेपाल मजदुर किसान पार्टी ख्वप जिल्लाया ख्वप नगरपालिकाय त्या:गु दु।

ख्वप नगरपालिका

स्थानीय तहया चुनावया भूवल्य ख्वप नगरपालिकाय न्हूगु कीर्तिमान कायम या:गु दु। ख्वप नगरपालिकाय नेपाल मजदुर किसान पार्टीया सुनिल प्रजापति मेयर पदय त्या:गु दु। कुतुबंगु मुक्कं याना ४८ हजारसिवे अक्व: मत ख:सा वय्कलं बहुमत मत कया त्याकादीगु दु। आ: तकया दुने स्थानीय तहया निर्वाचनया मतपरिणाम कथं दक्ले अक्व: अन्तर मत हया त्या:गु दु। मेयर पदय त्या:म्ह प्रजापतिं २५ हजार ५ सय ६८ मत हयादीगु ख:सा वय्क:या निकत प्रतिद्वन्द्वि नेपाली कांग्रेसया उम्मेदवारं मुक्कं याना ६ हजार ५ सय ३२ मत जक कयादीगु ख:। उपमेयरय नं नेमकिपाया हे उम्मेदवार रजनी जोशी बैद्यं त्या:गु दु। वय्कलं नं कुल मतय बहुमत हयादीगु ख:। अथेहे ख्वप नगरया वडाअध्यक्ष सहित प्यानल हे फुक्क वडाय नेमकिपायापि हे त्या:गु दु। उगु नगरपालिकाया वडा नं. १ श्यामकृष्ण खत्रि, २ हरि प्रसाद वासुकला ३ राजकृष्ण गोरा ४ कुमार चवाल ५प्रेम गोपाल कर्माचार्य ६ हरिराम सुवाल ७ उकेश कवं ८ महेन्द्र खायमली ९ रविन्द्र ज्याखों १० लक्ष्मप्रसाद ह्याउँमखा वडा अध्यक्ष त्या:गु दु। अथेहे उगु पार्टीया विजय जुलुस नेमकिपाया पार्टीया ज्याकू ख्वप:या गोलमढिं शुरु जुया सुकुल ढोका, तौमढि, तालाको, बंशगोपाल, भारबाचो, ईताछें, लायकु, च्वछें, च्याम्हसिं, दत्तात्रोय चाहिला हाकनं पार्टी ज्याकू थ्यंका क्व:चायेकुगु ख:। नगरपालिकाय फुक्क हे

वडाय प्यानल सहित छगू हे पार्टीपाखें त्याकूगु नापं मेयर उपमेयरं बहुमत हया त्याका निर्वाचनया क्षेत्रय न्हूगु कीर्तिमान कायम या:गु दु।

तोखा नगरपालिका

स्वनिग:या थीथी नगरपालिका मध्ये तोखा नगरपालिकाय एमालेया मेयर व उपमेयरय त्या:गु दु। वंगु बैशाख ३१ गते जूगु स्थानीय तहया चुनावया लिच्व: कथं एमालेया उम्मेदवार प्रकाश अधिकारी मयेर पदय त्या:गु दु। अथे हे तोखा नगर पालिकाया उपमेयर पदय नं एमालेया हे ज्ञानमाया डंगोल त्या:गु दु। भिंछगू वडा दुगु तोखा नगरपालिकाय वडा नं. १, ५, ७, ९ व १० एमाले वडा अध्यक्षय त्या:गु दुसा, २, ३, ६, ८ व ११ कांग्रेसया उम्मेदवारत वडा अध्यक्षय त्या:गु दु।

गोदावरी व नागार्जुन नगरपालिका

यलया गोदावरी नगरपालिकाय मेयर पदय निर्वाचित जुयादिम्ह नेपाली कांग्रेसया गजेन्द्र महर्जनया विजय जुलुस शनिवा: थेच्व लगायत थीथी नेवा: बस्तिइ विका:गु दु। महर्जन यल जिल्लाय न्हापां घोषणा जूम्ह मेयर ख:। गोदावरी नगर पालिकाय वंगु विहीवा: निर्वाचन आयोगपाखें कांग्रेसया गजेन्द्र महर्जनयात मेयर पदय त्या:गु घोषणा या:गु जुसां नं शनिवा: जक थेच्व: चाँपागाउ लगायत थीथी थासय चा:हिउगु ख:। धिमेया तालय प्याख: हुया जुलुस विकाये भोलय थाय थासय लसकुस याना खेंसगं बिइगु ज्या या:गु ख:। निर्वाचित जुयादिम्ह महर्जन थ:गु न्हापांगु ज्या कथं लँ व ल:या व्यवस्था यायेगु जुइ धयादिसे न्यादैया दुने शिक्षा, स्वास्थ्य, पर्यतन, तजिलजि नापं युवा योजगारय प्राथमिकता बिइगु जुइ धयादिल। गोदावरी नगरपालिका भिंयंगू वडा मध्ये कांग्रेस १, ५, ६, ७, ९ व १२ वडाय वडा अध्यक्ष त्याकूगु दुसा एमालेपाखें २, ३ व १० वडाय त्याकूगु दु। अथेहे माओवादी केन्द्रपाखें ४ व १४ वडाय त्याकूगु दु। स्वतन्त्र उम्मेदवार पाखें ८ वडाय त्याकूगु ख:। कांग्रेसपाखें गोदावरी नगरपालिकाया थीथी थासय विहीवा: हे विजय जुलुस पिका:गु ख:। अथे हेयें जिल्लाय ला:गु नागार्जुन नगरपालिकाय नेपाली कांग्रेस त्या:गु दु। उगु नगरपालिकाया मेयरय मोहन बस्नेत त्या:गु ख:। बस्नेत ६ हजार ९ सय ७१ मत कया त्याकादीगु ख:। वय्क:या निकततम प्रतिद्वन्द्वि एमालेया हरी खत्री ६ हजार ७ सय २६ मत हयादीगु ख:। अथे हे उपमेयर पदय एमालेया सुशिला अधिकारी त्या:गु दु। वय्कलं ६ हजार ८ सय ७१ मत हयादीगु ख:। वय्क:या निकततम प्रतिद्वन्द्वि नेपाली कांग्रेसया कल्याणी खड्का ६ हजार ७ सय ९१ मत हयादीगु ख:।

बधाई तथा शुभकामना



बैशाख ३१ गते भएको
स्थानीय तहको निर्वाचनमा
कीर्तिपुर नगरपालिकाको
नगर प्रमुख पदमा निर्वाचित

हुनु भएकोमा

श्री रमेश महर्जन

लाई हार्दिक बधाईको साथै
कार्यकाल सफलताको
कामना गर्दछौं । उहाँको
विजयमा साथ दिनुहुने
सम्पूर्ण मतदाताहरुमा हार्दिक
धन्यवाद ज्ञापन गर्दछौं ।

गोपाल बहादुर महर्जन
श्रीमती देवकुमारी महर्जन

छोरा/बुहारी : संजय महर्जन/अमिता महर्जन

छोरा/बुहारी : शरद महर्जन/रिभा महर्जन

छोरा/बुहारी : समिर महर्जन/सकुन सिंह महर्जन

नाती/नातीनीहरू :

सुभाष महर्जन, सुमिला महर्जन, समृद्धि महर्जन

भान्जी/ज्वाई : नबिना महर्जन/ निरन स्थापित
सम्बन्धहरू :

धनलाल महर्जन/लछिमाया महर्जन परिवार

मोतीबहादुर महर्जन/हेरामाया महर्जन परिवार

देबेन्द्र मान सिंह/बिमा राजभन्डारी परिवार

किपू नगरपालिकाया चुनावी लिच्च

ज्वजलपा वा: पौ /

वंगु वैशाख ३१ गते जूगु न्हापांगु चरणया किपू नगरपालिकाया छुं छुं वडाया मतगणना थन न्ह्यव्वया च्वना

वडा नं. १ ने.क.पा. (एमाले)या हर्ष महर्जन त्यानादीगु खः
मेयर उपमेयर वडाध्यक्ष म.स. दलित म खुल्लास १ खु.स.२
ने.का.६२३-५१७-६५९-५५९ -- ५५४-५०५
एमाले ७५५-६३९-८०४- ८११ -- ७१७-६५९
मा.केन्द्र २८५-२०६-२५३- २७५ -- ३५९-३६५
रा.प्र.पा १७- २१- ४३- २९ -- १५- ११
नयाँ शक्ति ६८-३४९- १८- १४ -- १८- १८

वडा नं. ४ नेपाली कांग्रेसया राजेन्द्र बानिया त्यानादीगु खः
ने.का ८९१- १०१८-९५४- ८८५- ९३०- ९४२- ८२४
एमाले ८७२- ९९५- ७३३- ८३५- ८५४- ७९०- ८६०
मा.केन्द्र १९७- २३९- २८८-२५१- २४७- २८८- २५२
राप्रपा १२७- २३५- ३२६- २७८- २२०- २९५- ३१४
न.शक्ति १६- २३- ४- २८- १०- ६- ४

वडा नं. ५ नेपाली कांग्रेसया राजेन्द्र महर्जन त्यानादीगु खः
ने.का. ६६९- ७२३- ८९३- ७९४- ७६२- ६९१- ७६३
एमाले ७०५- ६७०- ७०८- ७७१- ७२९- ७२१- ८००
मा.के ३९१- ३५३- ४६०- ४५४- ४३०- ३९१- ४३०
राप्रपा १३- ३७- ३६- ३२- ५६- ६२- २७
न.शक्ति १०५- २७६- ३१- २१- २२- ३७- २०
नेमकिपा २०६- २०६- २०६- १९०- १८८- २४२- २५३
वडा नं. ६ नेकपा एमालेका न्हुच्छे वहादुर महर्जन त्यानादीगु खः
ने.का. ९६२- ७८७- ६४७- ६६१- ८५२- ६८७- ६०५
एमाले १३१६- १२३०- ११३९- ११३०- ११६६- १२३८- १४४३
मा.के. २७३- २२६- ३१६- ३०३- ३१६- ३६४- ३७७
राप्रपा ५८- ७०- ६७- ५४- ६३- १२९- ३५०
न.शक्ति १४९- ६४६- १०५- १७२- १०८- १३६- १८९
वडा नं. ७ नेकपा एमालेया राजकुमार माली त्यानादीगु खः
ने.का ३५७- ३५३- ३९४- ३८०- ३७४- ३५५- ४३४
एमाले ३४३- ३१६- ४४६- ३७९- ४१९- ३९९- ३४८
मा.के १४६- ११०- १२६- १५४- १५१- १२६- १४९
न.शक्ति २००- २०७- ८४- १०८- ६०- ८३- ६८
देजमो ८- ८१- ८- ८१- ८- ८१- ८- ८१

वडा नं. ८ मा नेपाली कांग्रेसया विनोद महर्जन त्यानादीगु खः

प्रमुख उपप्रमुख अध्यक्ष म.स. द.स. खु.स. खु.स २
ने.का. ४३७- ३७९- ५१४- ४०९- ४०९- ४०८
एमाले ४३८- ३६४- ३०५- ३८७- ३४५- ३९२
मा.के. ४१७- २८८- ३६०- ३२८- ४२५- ३२५
न.शक्ति २३७- ४३५- १४- १५- ११- १४
नेमकिपा ३५- २९- ४- १- ३
राप्रपा ६- ३- ३- १- ४- ३
स्वतन्त्र २२६- ३५१- २९८- २६१

थुगु वडाय् नं दलित महिला पाखे नेकपा एमालेया उम्मेदवार सरस्वती परियार न्हापा हे निर्विरोध निर्वाचित जुयादी धुंकल । नयाँ शक्ति नेपाल छुं हे पदया उम्मेदवार दर्ता मया:सां भोट कुतुवंगु खने दु । थुगु वडाय् माओकेन्द्रया उम्मेदवार खुल्ला सदस्य न्हापांम्ह राजेश महर्जन त्यागु दु ।

वडा नं. १० नेकपा एमालेया अमन महर्जन वडाध्यक्ष त्यागु खः । ने.का. ५३३- ४२२- ६७७- ५७०- ४८४- ५९९- ६१३
एमाले ७९९- ६०३- ७६३- ७०६- ७६०- ७२८- ७२३
मा.के. ९७७- ४९६- ५२७- ७६६- ८९३- ७०९- ७३१
न.शक्ति २५५- ८५९- ५०२- २७६- ३७७- २४८- २७७
राप्रपा १६- १३- १६- ५१- २३- ३७- ३०
थुगु वडा नेकपा माओकेन्द्रया मेयरया उम्मेदवार हिरा वहादुर महर्जनया वडा खः । हिरावहादुरयात दकल्य् अप्ठः मत वःगु वडा नं थ्व हे जुल । अथेहे राप्रपाया मेयर उम्मेदवार बच्चुराम श्रेष्ठया वडा नं थ्वहे खः । नयाँशक्ति नेपालया उपमेयर उम्मेदवार शुभ लक्ष्मी शाक्य (सुनिता) दकल्य् अप्ठः मत हःगु वडा नं थ्वहे खः । नेकपा माओवादी व नयाँशक्ति अलग जुया: लिच्च: ला:गु वडा नं थ्वहे जुल । वडाध्यक्ष उम्मेदवारया मत त्याखाय्गु खःसा माओ केन्द्रया ५२७ मत, नयाँशक्तिया मत ५०२ जोडय् यायेबलय् १०२९ मत दु । जबकि एमालेया वडाध्यक्ष ७६३ मत हया: विजय हासिल या:गु दु । वडाध्यक्षय् एमालेया अमन महर्जन त्यागु दुसा महिला सदस्य ७६६ मत हया: संगीता उप्रेती (श्रेष्ठ) त्यागु दु । अथेहे दलित महिला सदस्यनं माओकेन्द्रया मन्जु परियार ८९३ मत हया: त्यागु दु । अथे हे खुल्ला सदस्य निम्ह नं माओकेन्द्रया हरिशरण महर्जन ७३१ मत हया: त्यागू दु । थुगु कथं न्याम्हे स्वम्ह त्याका माओवादी केन्द्र वडाय् बहुमत का:गु खने दु ।

किपूया जनता ह्यूपा:या पक्षय

ज्वजलपा वा: पौ /

ऐतिहासिक नगरी किपूया जनता न्ह्यावले ह्यूपा:या पक्षय खनेदु । निरंकुश पंचायत व्यवस्था क्वथलेत जूगु आन्दोलनय् किपूया प्यम्ह सपुतसें थःगु जीवन आहुति विल । बहुदल वया न्हापांगु संसदिय चुनावय् नेकपा एमालेया तत्कालिन महासचिव मदन भण्डार ीयात भारि बहुमतं त्याका छवल । वया लिपा नं एमालेया हे कृष्णगोपाल श्रेष्ठयात त्याकाछवल । २०५४ सालय् स्थानीय निकायया चुनाव जुल । मेयर उपमेयरसहित नेकपा एमालेयात बहुमतं विजय त्याकाविल । २०५६ साल थ्यंवेले एमालेया गढ धा:गु थासय नेपाली कांग्रेसया त्रिभुवन ङंगोलयात त्याकाछवल ।

निगूगु जनआन्दोलन लिपा संविधान सभाया चुनाव जुल । उगु इलय् नेकपा माओवादीया अध्यक्ष पुष्पकमल दाहाल प्रचण्डयात किपूमितसें भारि बहुमतं त्याकाछवल । हानं निक्क:गु संविधानसभाया चुनाव जुल । प्रचण्डयात भारि बहुमतं बुका: नेपाली कांग्रेसया उम्मेदवार राजेन्द्र कुमार के.सी.यात भारि बहुमतं त्याकाछवल ।

न्हूगु संविधान जारी जुया स्थानीय तहया न्हापांगु चुनाव २०७४ साल वैशाख ३१ गते जूगु स्थानीय तहया चुनाव जनतां नेकपा एमालेयात मेयर उपमेयर सहित १० गू वडामध्यय् ७ गू वडासहित बहुमत विल । थुकिं छु सिद्धत धा:सा किपूया जनता छगू जक पाटीयात मिखा तिसिना समर्थन याइपिं मखु । ज्या स्वया: मत बिइपिं खः धका: क्यना बिउगु दु ।

आ: नेकपा एमालेया परीक्षणया अवस्था वःगु दु । जनतां बहुमत ला विल । जनताया पक्षय गुलितक ज्या याई उके निर्भर जुइ । चुनावया इलय् जनताया न्ह्य:ने प्रतिवद्धता पौ न्ह्यव्व:गु दु । उगु प्रतिवद्धता पत्र कथं ज्या याइला मयाइला स्वयेमानी । यदि ज्या मजुल धा:सा हानं जनतां हाकुतिनी फु ।

२०५४ सालया स्थानीय चुनावय् राप्रपा १९ वडा मध्ये नं ८ व १४ निगू वडाय् राप्रपां त्याकूगु खः । तर थुगुसीया चुनावय् राप्रपां गनं नं वडाय् नसस तकनं त्याके मफुत । सुन्य थें हे जुल । अथे हे उवल्य् जनमोर्चा वडा नं. ४ व वडा नं. १६ निगू वडाय् त्याकूगु खः । जनमोर्चा थौकन्हे माओवादी केन्द्रया नामं चुनाव ल्वा:गु खः । थुगुसी ४ म्ह नसस बाहेक छगू वडा नं त्याके मफुत । २०५४ साल नेपाली कांग्रेस ५ गू वडा त्याकूगु खःसा । थुगुसी उवल्यया वडा ल्याखें धायेगु खःसा ७ गू वडा त्याकूगु दु । २०५४ साल ५१ प्रतिशत त्याकूगु एमाले थुगुसी ७० प्रतिशतया बहुमत का:गु दु । नीदै लिपा जूसां एमाले पाटी थःगु बहुमत सिद्ध या:गु दु । थ्व बहुमत आ: जुइगु प्रदेश सभा व संसद चुनाव तक कायम याना तयेफइला मफै स्वये ल्यं दिन ।

भित्तुना



स्थानीय तहया निर्वाचनपाखें किपू नगरपालिकाय् जनप्रतिनिधि कथं मेयर पदमा निर्वाचित जुयादीम्ह भाजु रमेश महर्जन व उपमेयर पदय् निर्वाचित जुयादीम्ह मय्जु सरस्वती खड्का नापं किपू नगरया भिगू हे वडाय् त्यकादीपिं वडा अध्यक्ष नापं सकल नगर समितिया सदस्यपिन्त भित्तुनाविसें वय्क:पिनिगु कार्यकाल सफलताया कामना यानाच्च्वना ।

ज्वजलपा वा:पौ सकल ज:, किपू

किपू नगरपालिकाया थुगुसी जूगु स्थानीय तहया चुनाव लिपा मतगणना जूगु नापं मत गणनापाखें चुनावय् त्याकाव:पिं ब्यक्तित्वपिनिगु किपा: वडा नं १ निसैं १० तकया विशेष स्वयादिसैं



चिनाखँ पुनर्जन्म

थौकन्हे जिगु दशा मभिना च्वन
न्ह्यागु ज्यायुनं पंगः वयाच्वन
दशा फायुके धकाः गुलि पुजा याःसांनं
चोतय् हे लुफिं हाना घाःपाः नयाच्वन

नेपाल बन्दबल्य मस्यूसें पिर्होवना
चि मदया उखेंथुखें मालाच्वना
बन्द हडताल याःवम्ह धका जित
दाय फक्व दाल पुलिसं ज्वना

जित थानादारया न्ह्यःने यन

मोटरे कयकूम्ह थ्वहे बुरा धकाः क्यन

जि छुं मस्यूसहेसित थानाय् यना

भौचा सुखु दाययें दाय यन

थानादारं ततःग्वयक मिखा कन
तमं तमं छंगु नां छु धकाः न्यन
जि ग्याना न्वमवासे च्वनाच्वन धकाः
न्हकुसँ ज्वना लिक्क फेतुके यन

छु नये दइधकाः बन्द हडताल या जुयाम्ह
पिन्द नये त्येका छाया आतंक फैले या जुयाम्ह
थ्व देश लुटय् याःवःपिं नेतातय्गु खँ न्यना
छाय् छ बन्द हडताल यायथाय् व्वायं जुयाम्ह

ग्वकः नेपाल बन्दे भाग कायधुन
गोथाय् पसलय् लुटय् याना काय धुन
लच्छिया निक्व स्वक्व बन्द हडताल याना
ग्वःगु लख छं कमाय याये धुन

धा छंत छु दई धकाः मोटरे कयक जुयाम्ह

राम नां कायेगु इलय् हिंसा कर्म याना जुयाम्ह

देशद्रोहि नेतातेगु खँ न्यना छ

छाय् पुलिस नापं थौ ल्वाः वयाम्ह

नेतातेगु नाइसे च्वंगु भाषण न्यन
ईमिगु फुसुलु आश्वसने तःक्यन
मिखाय् पतिं चिका तम्ह सल थें
इमिसं क्योगु लँय मिखा तिसिना वन

थुलिमछि दत नं म्हसिइके मफुनि नेवाःत छिमिसं

मचायक कँ भाले न्यासिका तल छिमित इमिसं

नीदँ नीन्यादँ दत छिमित खवि जा नये मायका तःगु

अथेसां थ्व खँ छिमि न्ह्येपुई गथे दुहाँ मवंगु

सत्ताय् च्वने मन्तकि नेपाल बंद याकीगु



—नारि महर्जन

गरिबया कमाय् यायेगु लँय पंगः थनीगु
ल्हा दितकि त्वाः दिइपिं मजदुरतय्त
प्यन्हु मपाक बन्द याना घां लाय् मायका तःगु
भी जनता कार्यकर्ता नं ल्वःपिं

जिं धैगु खँ का खःलाकि मखुला

आः छक बांलाक स्व नुगलं वाला

प्यन्हुइ छकः बन्द हडताल याना छु दत जनतायात

फाइदा काःपिं वहे नेतात मखुला

थुलिमछि दत देशय् लोकतन्त्र वःगु

विकासया नामं जूगु छु दु ज्या बांलाःगु

वहे भ्रष्ट नेतात वाहेक सुया जीवनस्तर विकास जुल

सिइके म्वाःला छिमिसं गरिबया व्वहले वहे नाम्लो वहे कुम्लो

थानादारया खँ न्यना जि गजव जुल

पुलिसतय्के नं जनताया माया दुथें ताल

अपायसकं जनताया माया दुपिन्सं

नेताते नाप ल्वाय्त जनताया साथ बिइम्वाःला धैथें मतिंवल

पुलिसं जनताया साथ ब्यूसा

थ्व भ्रष्ट नेतात ल्यया जेलय् तयफुसा

देश न्यादँ भिदँ हे सिंगापुर जुई

देशय् भ्रष्टतय्त जक हतय् यायेफुसा

थानाय् च्वना जि देश सिंगापुर जूगु म्हगस खंकाच्वना

पहाडं पहाडं रेल, खुसी पतिं जहाज वइगु पियाच्वना

थानादारं ए बुढा धाःबलय्तिनि

भ्रसंग न्ह्योलं चाम्थें काचा काचा मिखा कना

थानदारं ए बुढा धाःबलय् सातु वन

बन्द याथाय् वयाम्ह मखु धाय् ग्यानाच्वन

थानदारया ग्यानापुगु ख्वाः खँ खँ म्ह खाना

सुरुवाल्य् चोक वःगु हे मचाया च्वन

थानादारं खः मधातले कुनाति धयावन

पुलिसं जित लुटु लुटु लुया मेगु कोथाय् यन

पुलिसं मोटरे कयकागु खः धा धकाः दाबलय्

जिगु प्राण अन हे वनिथें च्वन ।

छम्हसँ करेन्ट ज्वंकी धाल

छम्हसँ ला व लुसि फाया व्यु खः धाई धाल

छम्ह भचा सोभाम्ह धर्म दुम्ह पुलिसं

म्वाल चर्चिं जक यना कुने यने धाल

जितला थानाय् हे स्याइथें च्वन

मृत्यु मिखा न्ह्योने प्याखँ हु वःगु खन

कला मचा लुमंका ख्वयाच्वनाबलय्

यमराज न्हिला हःगु ताल जिगु न्हाय्पनं

मृत्यु जिगु छयोंफुसय् चाहिला च्वन

जि ग्याना कला मचाखाचा हे ल्वमन

जिं न्हापाया खँ छुहे लुमंके मफुत

जिगु प्राणला जित त्वता वने धुकूथें च्वन

जित वुलुहुं नं पंचया पालय् जूगु घटना लुमन

नखु जेलं पिने वन्दुक केयका स्याःपिं लुमन

जितनं थुमिसं इमितथें हे तापाक येना

वन्दुकं कयका स्याइगु जुल धईथें च्वन

कलानं धाःगु खँ न्यना

वन्दबलय् चि न्यावने लाना

परिवार लुमंका ख्वयाच्वने माल

थौं जीवन मृत्युया दथुई लानाच्वन

थानदारया कोथाय् जित हानं यन

धा छँ मोटरे केयकागु खः कि मखु धका न्यन

जि बन्द यावःपिं नाप वयाम्ह मखु हजुर

चि न्या वयाम्ह जि धया अन

जि जंकु याये त्यःम्ह

तुतां मचुसे तापाक जुइमफुम्ह

गन जि ल्याय्म्हत नाप बंद या जुईफु

जि ला थौ तःधंगु परिवन्दे लाम्ह

साढे सति दशां कःम्ह जि

म्वाः मदगु पुलिस फंडाय् लाःम्ह जि

बंदया वःपिं ज्वने मफयक बिस्तुं वंबले

पुलिसया फंडाय् लाःम्ह जि

थानादारया तुति ज्वना जि ख्वया

जि वन्द हडताले वयाम्ह मखु धया

जि चि न्याना वयाम्हेसित ज्वना हल धका

चि दुगु भोला न्ह्योने तया

थानदारं भोला उला स्वल

चि खसेलि जिगु खँ पत्या जुल

काचा काचा हवल्दार यात सःताः

थ्व बुढायात त्वता छव धाल

हवल्दारं जित गेटय् पिने तयहल

आ लिपा बन्द हडताल जुइमते धाल

जि थानाया गेट पिने थ्योबले तिनि

जिगु पुनर्जन्म जूगुथें च्वनावल

छेयँ थ्यंका बुढीयात फुक्क खँ कना

ख्व ख्वं ख्यें मँ वन व किचने वना

जि स्वामी यमराजया पंजा त्वफिका वःम्ह धकाः

क्वाहाँ बल पुजाभ, सगं दुगु कोतः ज्वना ।

निर्वाण कामना

बूगु : वि.सं.१९८८



मदुगु :
वि.सं. २०७४/०२/०३



दिलमान महर्जन

हनेबहम्ह जिमि दाजु दिलमान महर्जन (जोशीननी किपू)या वंगु

जेठ ३ गते बुधवार ८६ दँय् मदुगुलिं मदुम्ह दाजुया निर्वाण

कामना यासैं दुःखंकिं सकल छँजःपिन्सं मन चिइफयमा धकाः

बिचाः हायेका च्वना ।

बिचाः हायेकूपिं

किजापिं :

प्रेम मान महर्जन

नित्यमान महर्जन

केहेपिं :

नानी महर्जन

लीला महर्जन

प्रेम माया महर्जन

कृष्ण माया महर्जन

नेपाःया बरिष्ठ पुरातत्वविद् किपूया काय्मचा शुक्रसागर श्रेष्ठ मन्त

ज्वजलपा वाःपौ

नेपाःया पुरातत्वविद् किपूया काय्मचा
शुक्रसागर श्रेष्ठ मन्त । वयकः विहिवाः चान्हय्
मदुगु खः । ख्वीस्वदँ दुम्ह वयकः अल्सर स्यना म्ह
मफयाच्वंगु खःसा उगु हे ल्वय्या वासः याकुयाकुं
मदुगु खः ।

वयकः मदुगुलिं चान्हय् हे पशुपातिया
शवदाहगृहलय् यंकूगु जूसां शुक्रवाः सुथय् जक
शवदाहगृहलय् यंकेंगु ज्या जूगु खः । पशुपतिइ
पुरात्वसम्बन्धी नापं थीथी ब्यक्तित्वपिं नं अन्तिम
श्रद्धाञ्जलीया नितिं वनादीगु खः ।

किपूया विषययात कया आः तकया दुने दक्ले
अप्चः अध्ययज यानादीम्ह वयकः बुद्ध जन्म जूगु
नेपाःया लुम्बिनी खः धकाः प्रमाणत लुइकादीम्ह
मध्ये छम्ह खः ।

शुक्रसागर श्रेष्ठं स्वनिगःया जक मखु
स्वनिगलपिनेया पुरातत्व सम्बन्धी अनुसन्धान
उत्खण्डन यानादीगु दु । वयकलं यक्व हे सफूत
च्वयादीगु दुसा न्हय्गू सफूला वयकःया पाण्डुलिपि
त्यंदनि धाःगु दु । न्ह्यागु विषययात कया नं अध्ययज



यानादीम्ह वयकः सगरमाथा हिमाल सम्बन्धी नं
यक्व हे अनुसन्धान यानादीम्ह खः । शुक्रसागर
श्रेष्ठ बरिष्ठ पुरातत्वविद् जक मखु शिल्क रोड
विज्ञ नं खः । वयकः मदुगुलिं नेपाःया पुरातत्वया
क्षेत्रय् तःधंगु क्षति जूगु दु । किपूया काय्मचा
शुक्रसागर श्रेष्ठ नेपाःया हे पुरातत्वविद् खःसा प्रचार
य् वयेत तयार मजुइम्ह तसकं सरल जीवन
हनादीम्ह ब्यक्तित्व खः ।